



UNIVERSITÄTS-
BIBLIOTHEK
PADERBORN

Collegium Universi Juris Canonici

Engel, Ludwig

Salisburgi, 1693

24. De Officio Archipresbyteri.

[urn:nbn:de:hbz:466:1-61596](#)

circa Archidiaconos plurima in desuetudinem abierunt, vel certe per Vicarium, aut alios Ministros expedientur.

TITULUS XXIV. De Officio Archipresbyteri.

SUMMARIUM.

1. Archipresbyter quis? Et subest Archidiacono.
2. Archipresbyter urbanus & ruralis.
3. Archipresbyter an habeat jurisdictionem.
4. Archidiaconus & Archipresbyter debent suscipere Ordinem suo nomini congruentem.

AArchipresbyter, quasi primus Presbyterorum, dicitur ille, qui praefit Presbyteris & Presbyterialibus officiis. *cap. 1. hoc. tit.* aliisque nomine etiam *Decanus* quandoque vocari solet *c. Ad hec 7. de Officio Archidiaconi.* Subest Archidiacono *cap. 1. h. t.* licet enim sit ordine major tanquam Sacerdos, cum non requiratur, ut Archidiaconus sit Presbyter; est tamen inferior jurisdictione, quia ad Archidiacionum totius Dioecesis sollicitudo de jure antiquorum Canonum pertinet, unde & *Vicarius natus à Doctoribus appellatur*, de qua praecedentia inter Archidiaconum & Archipresbyterum videri potest Barb. *Juris Eccles. univ. lib. 1. cap. 24. & seq.*

2. Sunt autem Archipresbyteri alii *urbanisi*, seu *civitatis*, alii *plebani*, sive *rurales*. *Urbani* sunt, qui in Ecclesia Cathedrali horis Canonicas presunt, & Episcopi vicem in divino supplent officio. *Rurales*, qui curam animarum in plebe exercent, & super alios Parochos, ac Presbyteratos, qui per minores titulos habitant, inspectionem gerunt, circa quos inferiores Clericos ea quidem, qua minora sunt, absque figura judicii disponere & componere possunt, *majora vero omnia*, & ea, qua sine judicii

figura expediri nequeunt, ad Episcopum referre debent. Imo nec inobedientes, & negligentes vel delinquentes sine autoritate Episcopi punire valent. *c. officium 3. c. fin. ubi Glossa. in v. referant. & Abba hoc tit. Riccius in Praxi aurea. lib. 1. cap. 25. n. 32. & seqq.* Hinc est, quod Archipresbyter non habeat propriæ dictam jurisdictionem, & nec propriè sit judex ordinarius. Contrarium quidem insinuat *hoc. in c. Archidiacono. 5. de Officio Archidiaconi*, eò quod in *cap. 3. de Officio Jud. Ord.* supponatur, Archipresbyterum posse sententiam excommunicationis ferre, verior tamen est interpretatio *Gloss. & Barb. in eodem cap. 3.* quod plebanus, de quo fit mentio in illo *cap. 3.* ex confuendine (qua aliquando dat jurisdictionem *dilecti. 4. de Arbitris*) vel alio speciali jure, aut privilegio habuerit majorem potestatem, quam alias de jure communi Archipresbyteris competit.

Porrò Archidiaconi, & Archipresbyteri admonendi sunt, ne solum nomen, sed eum ordinem nomini congruentem suscipiant; unde nisi Archidiaconus intra annum die suscepti officii ordinem Diaconatus, & Archipresbyter Presbyteratus consequatur, amittunt officium. *cap. 1. disf. 60. cap. 1. X. & Clem. 2. de Estate & qualitate.*

TITULUS XXV. XXVI. XXVII. De Officio Primicerii, Sacristarum, & Custodis.

Primicerius dicitur, quasi primus in choro, & primus ratione cantus, atque alio nomine *Precentor* vocatur secundum